

歷朝茶馬奏議

順治二年御史康攀龍題茶馬雖仍舊制整頓實出新圖  
懇乞詳稽往例參酌時宜以便料理疏

疏曰切照陝西巡茶一差兼轄蜀楚中茶地方夙稱繁  
難未易勝任臣以庸才謬膺

簡命敢云道遠獨勞不竭盡心力圖報

君恩於萬一但念今日茶馬大與昔殊昔於產茶地方召  
商中茶以易番馬今蜀楚未通雖漸次終歸底定而  
目下民逃商絕安得存茶無茶安得有馬即陝西地  
方亦自產茶而為數不多或往年積有舊茶自寇亂  
以來非被賊焚劫則經變價借充兵餉恐亦久屬烏  
有且苑馬寺及七監等官未設諸務何所責成况

詔諭未頒金牌勘合亦未單故換新番人何所信從然則  
年額茶馬一萬一千八十八匹尚屬子虛前數年猶  
且解未及額在今日必不能按數考成可知矣至於  
明季加增解京茶馬一千七百三十四匹脚力無資解  
戶賠累苦不能堪尤當矜豁免省直加派錢糧之例  
稟

賜蠲除以蘇重困者也伏乞

皇上軫念茶馬一差事事未備事事創始比別差因利乘  
便者不同請先

勅吏部急選苑馬七監等官先赴該地方分頭料理更  
勅戶兵二部速稽典制換給金牌勘合通諭西番俾知道

奉

新朝法度併傳諭該督撫速察往年積貯舊茶借支若干  
現在若干如有存剩不得再借別用臣庶幾得竭焉  
力以効馳驅不致倉卒臨事束手無措耳此在陝西  
地方應行事宜若夫蜀楚中茶地方應俟路通召商  
另行整理今未敢預揣也緣奉有作速前去料理不  
得稽遲之

旨為此先述情形具

題尚有未盡事務容臣察確補續

上聞謹題請

旨

卷之二  
奉

聖旨產茶地方多人版圖這所奏選補寺監等官并應頒  
詔諭金牌勘合着察明往例酌議覆行其新增馬匹  
察明蠲免未盡事宜廖攀龍入境後詳察具奏不必  
預揣該部知道

順治二年御史廖攀龍題遵

旨察明蠲免新增馬匹以暢

皇仁以信

明旨疏

疏曰臣前題茶馬雖仍舊制整頓實出新圖一疏奉有  
新增馬匹察明蠲免之

旨又奉

勅內一款有前朝新增一千七百餘匹酌量具奏豁免以  
甦解戶之

諭該臣既到任受事察看得茶馬舊額一萬一千八十八  
匹原以備邊初無解京之例自崇禎三年始議洮河  
西莊增解一千五百匹苑寺增解五百匹行糧草料  
約費萬金揆括茶課馬價務朋地畝及增設新餉等  
銀尚苦科費不敷加以中途倒斃并退回不堪發換  
之馬搭配起解而解戶之賠累極矣崇禎九年議量  
免苑寺二百七十四匹止解一千七百三十四匹但年年  
拖欠虛有增解之名竟無足額之實今

聖上明見萬里恩及遐荒不獨請草創伊始無馬可解無  
費可措新增馬匹自應全蠲卽後來時平路通茶裕  
馬蕃亦宜仍照舊額專留爲三邊重地之用不且如  
明季增馬解京究無濟於軍需徒貽苦累於窮邊也  
臣捧誦

明綸仰體

皇上德意謹察明舊額新增始末具

題伏乞

聖鑒將前朝增解馬匹永行蠲免以信前

旨恭候

勅下臣衙門遵奉施行

奉

聖旨該部察議具奏

順治二年御史廖攀龍題恭報舊貯茶篋數目仰祈  
聖鑒疏

疏曰臣自入境具疏

上聞後力疾奔馳於十月十七日抵鞏昌遵照

勅諭內事理檄行所屬各道首查現貯先年存剩茶篋數  
目錄地方遼闊往返動經月餘至十一月內據兆岷  
道副使桂繼攀冊報兆州司順治元年十二月終止  
現在存貯朽腐不堪舊黑黃茶七千九十九篋半堪  
用黑黃茶七百六十九篋零七斤遠年陳腐沍爛湖



巴山黃茶五千五百七十七截又零碎茶一萬三千三百截又零二千五百斤又報岷州分貯現在黑黃茶八百九十篋半零二斤遠年爛損半截破頭舊黑黃茶一千八百八十六篋半零十八斤遠年朽腐半截破頭湖巴山黃茶一萬三千三百五十五篋零二百斤又零六千一百截順治二年正月起至今止並無運到新茶無憑開中又據臨鞏道右叅議夏揚名冊報河州司順治二年九月終止現在貯庫黑黃茶二百四十八篋又報甘州司現在蘭州庫貯黑黃茶二千三百九十九篋半遠年泡爛不堪陳茶六千六百零七篋又三千四百六十八截又據西寧道副使

蔣三捷冊報西寧司庫藏如洗並無庫貯陳茶亦無  
運到新茶又據往浪道僉事邊大順冊報往浪司順  
治二年九月終止現在司貯逐年舊欄封節磊起黃  
茶九萬七千三百七十一篋倉貯對節磊起黃茶三  
千七百三十一篋連篋碎截茶二千八百五十截無  
篋碎塊茶四千八百二十斤又據甘州道僉事羅燦  
冊報順治二年十一月終止從蘭州庫分發甘州中  
馬餘剩茶九千五百二十九篋又據涼州道僉事蘇  
名世呈報順治二年十一月終止從蘭州庫分發涼  
州中馬餘剩茶一百五十七篋半又據肅州道僉事  
宋之傑呈報肅州並無庫貯陳茶亦無運到新茶各

等情到臣理合報

聞外該臣看得蜀楚道阻商旅裹足中茶尚需久待合無  
一面簡覈現在黑黃舊茶分別高下先行招番易馬  
暫施羈縻之術易得馬匹不論多寡先給衝要缺馬  
營伍以助騎征一面多方設法招商報引漸次為開  
中新茶計就目前得為之事殫意修舉以資目前或  
於草創伊始倉廩既空番寇蠢動邊腹不寧之時不  
無小補矣

奉

聖旨知道了見貯舊茶即着招番易馬仍將易過馬匹數  
目照舊奏奪戶兵二部知道

順治二年御史廖奉龍題恭報中完馬匹數目仰祈  
聖鑒疏

疏曰臣自抵任事事詳加綜核首查舊貯茶篋數目又  
查舊中完馬匹數目據臨鞏道右叅議夏揚名呈報  
河州司中完茶馬七十三匹撥發臨洮范總兵給軍  
騎征訖又據西寧道副使蔣三捷呈報中完茶馬一  
百二十五匹給西寧各營騎征訖又據莊浪道僉事  
邊大順呈報中完茶馬二百五十二匹給莊浪各營  
堡騎征訖又據岷岷道副使桂繼攀呈報現任廂馬  
一匹順治二年未奉明示開中無憑造報又據甘州  
道僉事羅燿涼州道僉事歙名世肅州道僉事宋之

傑各呈報自順治元年至今未奉明示開中並無申  
完馬匹各等情到臣理合報

聞外該臣看得馬出於番必番有餘馬而後招中不窮若  
私販公行番人貪圖價值每藏良驥以希重利番駝  
駕以易官茶大妨招中近如隴右道盤獲犯人張紀  
秀等安定縣盤獲犯人郭如岱等私馬共四十一匹  
除將各犯按律徒配私馬移送督臣孟喬芳轉發臨  
兆總兵范蘇給軍騎征外此猶小民無知犯禁臣得  
以按法處治至若私販而託之公務如在浪道盤獲  
委官哈應科買馬一百四十三匹執有鳳翎董總兵  
引票臨鞏道盤獲馬英才買馬二十八匹執有西寧

治叅將引票查俱無印信又無寶銀若干兩往某處  
買馬若干匹被但以為護身有符所過地方莫敢誰  
何豈自知為本馬之巨盜哉合無自今伊始但有邊  
鎮缺馬務令題奉

欽依或呈准兵部給有印單明註某衙門差官齎銀若干  
兩前往某處易買戰馬若干匹赴臣衙門掛號方准  
收買倘於定數之外有附餘夾帶者盡行入官仍按  
律究擬庶儆公私販之徒不敢輕犯而招中有賴矣  
謹因恭報馬數而并及之伏乞

皇上勅部嚴加申飭各邊鎮衙門一體遵行

奉

聖旨這市完馬匹數目知道了奸徒私販自當照例嚴禁  
以後邊鎮缺馬須有兵部印單明註衙門姓名銀馬  
數目及易買地方赴該巡視御史驗明掛號方准市  
買違禁夾帶的依法究治私馬入官着通行嚴飭該  
部知道

順治二年御史廖攀龍題恭報苑監軍馬牧地數目仰乞  
聖鑒疏

疏曰臣到任後即敕行苑馬寺查明苑軍牧地并現在  
孳息馬駒數目隨據署寺事分巡關西道僉事石岳  
冊報開城監原額牧軍二千二百六十三丁今現在  
止二百七十八丁原額牧地三萬六千四百七十頃

四十三畝零今現種熟地止三百六十三頃六十二  
畝並無現在種馬厰監原額牧軍一千零三十一  
丁今現在止五百四十六丁原額牧地二萬五千八  
百八十頃五十三畝零今現種熟地一千二百二十  
三頃八十二畝零現在牖馬二匹并無草息黑水監  
原額牧軍一千二百一十四丁今現在止一百一十  
二丁原額牧地一萬一千六百二十七頃九十六畝  
零今現種熟地一百一十七頃並無現在種馬安定  
監原額牧軍二千二百九十三丁今現在止九百一  
十五丁原額牧地五萬二千六百四頃五十二畝零  
今現種熟地五千七百六十六頃九十五畝零現在



種馬五十一匹新駒八匹清平監原額牧軍二千九  
百七十二丁今現在止三百四十八丁原額牧地一  
萬七千八百一十頃三十一畝零今現種熟地一百  
七十一頃三十四畝五分現在種馬一匹駒一匹萬  
安監原額牧軍五千四百八十一丁今現在止八十  
一丁原額牧地二萬九千八百一十頃四十一畝零  
今現種熟地四十三頃八十畝并無現在種馬武安  
監原額牧軍八百八十二丁今現在并應勾補軍止  
三百九十二丁原額牧地二千九百五十七頃四十三  
畝零今現種熟地三百五十六頃一十五畝五分現  
在種馬六十二匹新駒二匹等情到臣該臣看得苑監乃

牧馬孳息之所關係最鉅必官有專責軍無逃亡而後問牧政之修舉今據該等冊報各監無官無印牧軍逃亡牧地荒蕪合七監現在種馬并駒不過七十一匹如此光景而欲望雲錦成效何日之有伏乞

皇上勅下吏禮二部急選七監監正錄事鑄給印信速催到任招集牧軍開墾牧地漸次發給種馬按年課駒行之教載庶幾生息日著膏額可復耳外據會寧縣盤獲犯人王國掌等私販馬一十七匹臣驗係齒嫩臙壯騾馬堪以孳息隨於安定監給軍牧查照例課駒用作騾牝三千之先兆謹因恭報苑監軍馬牧地數目而并及之

奉

聖旨該部知道

順治三年御史虞奉龍題牧軍逃亡過半仰乞

聖明勅部酌定軍制速議補伍以裨馬政疏

疏曰臣前稽覈苑馬寺七監軍馬牧地數目見軍逃地

荒整理無人馬政廢弛業經具疏

上聞今據署苑馬寺事分巡關西道僉事石岳呈稱七監

牧丁值荒殘之餘有死兵死荒者有徒而走險者有

逃回原籍者尙因寺監缺官莫可稽考今

清朝御字首重馬政牧軍逃亡不可不問也相應填單通

行各處原籍勾補等因到臣竊照七監原額牧軍總

計一萬六千一百三十六丁除逃亡外見今止存二千六百七十丁寥寥幾軍欲令修奉牧事豈可得乎該寺請行清勾該爲目前急務但祖軍裁革久

奉

明旨今若行原籍勾補則恐違

旨若不行勾補又恐曠廢牧政伏乞

勅下該部確議牧軍逃亡應否清勾或另設填補以實監圍酌妥覆請行臣遵奉施行爲此具本謹題請

旨

順治三年御史廖攀龍題恭報續發私馬充廐兼買馬作種以資目前生息疏

疏曰臣自按歷茶司督行各道招番易馬之後即赴苑馬地方點印七監見在牧馬據萬安開城黑水三監回稱並無見養牧馬清平監僅見養二匹武安監除寇槍五匹外見養三匹廣寧監原養羈馬二匹失傷無存安定監見養五十九匹寥寥數馬養不成監治矣前據會寧縣盤獲犯人王國掌等私馬一十七匹隨發安定監孳牧已經具疏

題明嗣據臨鞏道拿獲犯人吳清等私馬三十四匹蘭州

監牧官拿獲犯人房二私馬五匹俱就近發安定監  
孳牧又據固原州拿獲犯人王貴私馬五匹發廣寧  
監孳牧合計私馬處各監見養牧馬共一百二十一  
匹查照毛齒逐一點驗印烙訖又據苑馬寺呈稱七  
監種馬無幾安望孳生各監牧地熟荒不一其應徵  
糧銀據先解到者有五百七十三兩三錢計可買種  
馬六十三匹請乞詳允發買等情臣隨批允委官前  
赴西寧易費完日發監作種以實度圍事關牧政理  
合報

聞

順治二年御史廖攀龍題茶筴舊貯有限撫鎮借用多端

懇乞

聖明嚴勅補還以清積欠疏

疏曰竊照茶筴為中馬之需別項不得借支巡茶御史  
為專司茶馬之官別衙門不得干預由來舊矣今據  
甘州道臣羅熿冊報奉撫鎮明支動支茶一萬二千  
一百八十四筴始而無故賞番八次繼而賞給供應  
官與各衛整頓雜差軍丁八月分工食繼又支放正  
標奇兵等營并旗鼓軍丁各餉及門下書役門厨工

食臣閱冊至此不勝駭異曰撫鎮軍餉工食各有正  
項奈何嗣以茶篋抵充耶隨此行該道着令作速補  
還報院捱延日久竟不回覆嗣接撫臣黃圖安疏稿  
內稱乞動莊浪庫茶五萬篋易馬充伍不知莊浪止  
存舊爛茶十萬一千一百餘篋前西番大古什娘子  
及乞慶黃台吉等索要原欠茶篋臣恐曠邊蒙且示  
新朝恩信已將莊茶一千七百六十二篋撥發西寧道給  
散各番以了前局又莊浪道用茶二千二百五十三  
篋中馬六十四匹又西寧道用莊茶一千五百一十四  
篋中馬四十四匹尚剩茶九萬五千五百七十餘篋莊  
浪每年例應中馬五百五十四匹擬取給於此若甘肅



撫鎮既將甘庫茶篋借支一空今又欲動莊茶五萬  
篋是并欲空莊庫也目下川湖路阻商運不甯新茶  
既不可得舊茶又將歸於盡招中無資恐邊疆多事  
七道俱困不得甘鎮爲可慮也伏乞

皇上嚴勅甘肅撫鎮諸臣先將借用過茶一萬二千一百  
八十四篋作速補還甘庫一面易馬充伍如果不足  
方勦蘭州庫茶奏數免日

奏銷庶借欠清楚而茶法馬政均有賴矣至於前任署  
事同知關鎮泰呈蒙前辦理茶馬劉御史批准前署  
道康同知查議招中隨有前任泰將杜希茂請動莊  
茶中過馬二百五十二匹俵給各營取有領狀在卷

臣到任之初據在浪道臣邊大順冊報已經具疏  
題明夫給馬既有領狀又有該道報冊豈曰無據且事  
雖屬已往然有臣專司按覈從頭清查倘有影射朦  
蔽臣卽指實參劾此固無煩撫臣代爲過計也

奉

聖旨該部議覆欽此欽遵看得本館專用中馬別項原難  
借支今其肅以軍需工食動至一萬二千一百八十  
餘篋庫貯有限帑中何資所當

勅令該撫鎮照數補還者也至於前任參將杜希茂動支  
在本中過馬二百五十四匹亦應照本馬臺臣清查以

杜影射三年三月初四日題本月初五日奉

聖旨是這借支茶篋着作速補還

順治三年御史廖攀龍題再報甘鎮借用茶篋數目仰候  
聖裁疏

疏曰本年三月十六日准甘肅撫臣黃圖安手本爲給  
放援兵茶篋事據分巡道呈據屯兵官呈據茶馬司  
開報本院道憲宗放過頭運官兵趙廷楨等茶七百  
五十八篋二運官兵李春芳等八百四十七篋三運  
官兵侯應科等五百九十篋三項共支茶二千一百  
九十五篋等情到院爲照茶篋支動須會明茶院然  
後可行第軍門調兵緊若星火甘鎮糧餉不接安犒  
無資各軍擁門討餉集成大變本院無奈商及總鎮

該道將茶篋酌量給散軍丁起發東棧行兵權濟一時然眉實不得已爲之也除一面咨部外相應移知等因同日又准撫臣黃圖安手本爲稽查見在茶馬事據道廳呈據茶馬司回稱卷查單司經放茶篋俱奉前撫鎮明文因軍士鼓譟動給准作月餉急救燃眉並撫賞番爨等項共支過一萬二千一百八十四篋續奉撫鎮賞番又用茶四十篋今蒙行催賂補將迫各軍則枵腹露肘之衆且不敢問敢云迫乎懇乞轉達茶院開銷等情到院爲照前院與總鎮動過茶篋如許或因三軍呼餉事出勢迫既給在軍安忍追之卽昨本院起發行兵給茶一事實恐悞援剿大事

不得不權時救急除咨明戶兵二部外擬合移會請  
准開銷等因到臣該臣看得茶篋專備中馬別項不  
得借支前因甘肅撫鎮諸臣借用多端業經具疏請  
旨矣今撫臣黃圖安因總督孟喬芳調兵東援急如星火  
而糧餉不給安縋無資又將茶篋給軍共二千一百  
九十五篋雖云權濟一時之急然此例一開將處處  
效尤茶法馬政終難脩舉矣伏乞

勅下該部酌議俯將甘鎮前後借過茶篋行令作何補還  
以資目前招中或念調撥緊急糧餉無措權准開銷  
後不爲例覆請

明旨行臣等遵奉施行

奉

聖旨該部議奏

順治三年御史廖攀龍題莊浪放茶充餉懇

勅照例補還以昭畫一之法疏

疏曰竊惟茶篋專用中馬別項不得借支前甘肅撫鎮  
借放茶一萬二千一百八十四篋該臣具

題奉有這借支茶篋着作速補還之

旨正在遵行今又准甘肅撫臣黃圖安疏稿內稱自順治  
二年正月起三年正月止二次共借放過甘州庫茶  
一萬四千四百一十九篋外又據莊浪道僉事邊大  
順呈報莊浪營軍困苦已極討茶度命隨放過莊茶

五千四百二十九篋等情到臣臣駭且憾念寇亂以  
來川湖路阻商運雖前臣雖多方中引計新茶到日  
尚在三五年之後目下所持以羈縻番心充實營廩  
者各司庫空既無可望惟有莊浪數萬篋陳茶足賴  
耳今該道效尤撫鎮不由臣衙門批兌徑將茶篋放  
給兵餉此端一開彼軍何厭之有不至盡空莊庫不  
休而番變又需茶孔急無以應其求勢必忿激狂逞  
將爲河西之害恐不止如饑軍鼓譟而已且

國家開辦之初法令方行遽爾壞亂况可久乎臣既奉  
茶差權不歸一旁出多門非所以肅政體也伏乞

勅下該部議覆合無仍遵前

旨勅令照數補還嗣後再不許借端擅動庶不失

朝廷修奉茶馬至計而裕

國安邊猶可徐圖矣

順治三年御史廖奉龍題詔司陳茶府糶無用莊浪庫茶

給放有據仰乞

聖明勅部議豁以清積累疏

疏曰臣入秦之初牌行各道嚴查五司見貯先年餘剩

茶篋數目已經據實開報



上聞及臣巡歷所至親詣茶司餉閱見牝司北庫封鎖年  
久啓而視之則草莽叢塞鳥獸駭散茶塊爲土木瓦  
礫堆積亂壓臣問其故據署者洮州監牧事高檢稟稱  
此項茶筴經先朝崇禎五年午監視茶馬大監李奇懋  
盤過遠年陳腐泥爛湖巴山黃茶五千五百七十七  
截又碎茶一萬三千三百截又零二千五百斤久成  
土糞置爲棄物是以庫門封鎖不開內房一任倒塌  
從前各官交代冊有虛數庫無實茶未奉

題銷不敢擅除至於舊黑茶一千八百三十六篋舊黃  
茶五千二百六十三篋半日久篋斤輕少亦皆朽腐  
番人憎嫌不堪招中等情又據莊浪道呈稱親詣茶

司眼同監收官閻偉恭司官李榮貴倒庫秤盤將截塊每六斤攢合成篋共見在茶九萬九千九百七十五篋比前報冊內數自少茶二千四百三十篋據監收官稟稱去歲三月內蒙

英王劄委安官叅將劉光祖稟放給管軍賞番等用彼時署廳經歷曹益恭司官霍登裕未報開銷見有安官劉光祖標發領票存案呈乞照驗等情到臣該臣看得先司陳茶自崇禎五年盤過已屬不堪後庫房倒塌愈久愈壞毋怪乎盡成灰糞也冊上徒載虛數終無裨於招中若不開除年復一年貽累後人何所底極至舊黑黃茶二項共七千九十九篋半雖稱

腐爛姑且存庫俟新茶至日搭配中馬末爲不可其  
莊浪盤出短少茶二千四百三十篋稱係

英王劄委安官劉光祖給放領票驗明確據所當一併  
開銷臣繕疏聞又據臨鞏道叅議夏揚名呈據河州  
總理韓羅漢呈稱崇禎十四五六年中過馬四百四  
十二匹共該黑黃茶一萬二千九百六十三篋欠欠  
未給各番河河索討懇願審情照數給還等情到道  
呈詳到臣臣念衆番向化輸誠中納倘舊欠不償拂  
情啓蒙宥失

新朝柔遠之意隨批允暫還一半將蘭司陳茶動支六千  
四百八十二篋給償前欠以示鼓舞外伏乞

勅下該部酌議或合流司虧茶久成仄糞准令開銷毋存  
虛數其在浪安官動過茶篋與蘭司償過舊欠茶篋  
各照數豁除以便銷算庶出入明而積累清焉庶自  
此斬絕矣

順治二年御史廖攀龍題寺卿關係牧政懇乞  
聖明速行選補以飭罔務疏

疏曰臣奉

簡命督理馬政有茶易之馬有孳生之馬茶易之馬產自

歷朝茶馬奏議

清十八

選補一

番族督令西莊臨鞏等道撫調招中草牧之馬蓄於  
七監督行苑馬寺稽查生息必經理得人斯牧事無  
廢自明季視牧養爲末務目苑寺爲閒局每遇員缺  
非屬左遷無地之遠廬卽屬物望素輕所托宿旣已  
厭其官而意氣消沮安望服其官而展布猷爲人復  
一人年復一年馬政遂致大壞極敝而不可修舉所  
由來也臣入境受事卽思洗從前之稅謬期異日之  
庶蕃然相與共事者恃有寺卿耳今嚙望日久而銓  
補無聞則七監何人統轄邊馬何人俵給瘦損何人  
點驗牧地影占何人根究牧軍疾苦何人撫恤課駒  
之賠補馬價之追徵何人查催地既遼遠事復殷繁

縱有暑官終非實授難以責成伏乞

皇上勅下吏部即將陝西苑馬寺正卿員缺或於就近地方擇有才望者推補前來勒限任事勿因循舊套仍以管議方屬者濫等斯官舊昔以請遷待之其勢自輕今以推擢求之其勢自重有一番破格擢用自有一番振刷景象又何患所滿間不復觀雲錦之成群哉事關職掌用是不避煩瑣具疏

上請臣不勝激切待

命之至

奉

聖旨吏部知道

順治三年御史廖攀龍題寺卿久缺未補權議就近兼攝  
以舉馬政疏

疏曰臣初抵任見苑寺無官牧政曠廢一而且疏請

勅銓補一面委分巡關西道石岳署督寺事該道殫心料理如牧地之開墾逃軍之招撫種馬之孳息事事整頓雖亦漸有頭緒然終屬代庖未免存五日京兆之意臣思寺卿一缺自明季以來人皆視爲落井之官一聞推補卽托老疾引退竟不赴任以致衙舍倒塌人役逃散名存卿貳實類投閑今

聖明御宇之初首重馬政何靳寺卿一官而需待多日銓補無聞或亦灼知此官入厥卽推選一人勒令前來

而棲身無宅舍服役無甬之資日給無公費政事埤道  
貧窶興嘆抑何以勸之也公事盡職也臣再四籌畫無  
如就近兼攝一著猶可善其成益七監皆密邇平涼而  
分巡關西道與苑馬寺衙門又俱駐劄平涼合無將  
分巡關西道帶苑馬寺衙職銜

勅令就近兼攝則衙宇人役及公費等項無煩設處而官  
有專責事無廢墜猶愈於委署料理得以代庖卸擔  
耳若曰寺卿品級原尊退官不得帶銜則俟三陟川  
湖盡平茶裕烏著之日無妨仍舊推補今爲目前權  
宜之計或未必無當也謹會同督臣孟喬芳撫臣雷  
興按臣趙燏合詞具



題伏乞

勅下該部再加酌議如果臣言不謬照議覆  
請行臣等遵奉施行

順治三年御史廖泰龍題去報私茶與價銀兩仰候  
聖裁疏

疏曰竊照微臣督理茶馬凡可上裨

國計下絕弊端者無不悉心料理加意剔釐乃有趨利  
若鶩試法如飴如輩昌府推官高第盤獲私茶犯人

牛養鬻其人者養鬻爲叛卽賀珍標下守備當珍未  
叛之先給熬以無印令牌內稱隨帶茶貨前往西寧  
河州易買戰馬臣查先朝會典內一款川陝地方通  
接番境守把關隘冒投不許放過段疋布絹私茶等  
項出境違者處死今養鬻手執偽牌帶散茶二千八  
百一十六斤通番販馬違

禁無忌臣隨批行分守隴右道劉世傑按律勘擬徒配發  
落外但此項茶斤將欲發司招中查舊規俱用黑黃  
篋茶從無用散茶中馬之例不敢變亂成法隨批議  
變價得銀五百七十九兩六錢貯隴西縣庫因思往  
例中馬完日必預撫賞番族所費不貲又念七監牧

馬群空羣生無種合無將前項銀兩准令茶法項下  
作賞番及易買種馬支用或以叛賊鋒屯軍興房午  
錢糧缺乏脫巾頓呼准令權作兵餉支用以濟目下  
燃眉之急後不爲例伏乞

勅下該部再加議覆請

旨行臣衙門遵奉施行臣無任翹企待

命之至

奉

聖旨該部知道

順治三年御史廖奉龍題盤獲徇私販鬻乞

聖明嚴勅處分疏

疏曰竊照私茶馬販功礙招中該臣前

題素有好徒私販自當照例嚴禁違禁夾帶的依法究  
治私馬入官者通行嚴飭之

旨業經遵行在案今據岷道副使桂繼學呈據岷州撫  
民同知李日芳呈稱本年四月十九日午時在岷州  
東關盤獲徇尋馬得明等共二十六人係哈密國人  
執有漢中關南道理刑廳齊總鎮李崇將令票路引  
四張供稱前在明朝曾與中國貿易今於順治二年  
七月內帶本國土產馬一百一十六匹前至漢中發  
賣馬歸四營給以所搶獲散茶八十五馱背每馱背  
輕重不等共五千二百四十四斤向鎮將道廳討有

路引回國行至岷州盤獲等情到臣該臣查得會典  
一款陝西產茶地方通接西番關隘處所着撥官軍  
巡守如有將私茶出境即令解赴官治罪又一款凡  
番僧夾帶好人并私茶違禁等物許沿途官司盤檢  
茶貨入官伴送夾帶人送官問罪若番僧所到之處  
各該衙門縱容收買茶貨及私受饋送者聽憑按御  
史察究今馬得明等係甘肅嘉峪關外哈密國遠弄  
輒敢擅入內地帶私馬一百一十六匹蹶馬橫戈賣  
夜馳走地方官兵莫敢誰何及至漢中該鎮將道驛  
不惟不能按法嚴禁且縱令營各將搶獲散茶買  
易復給以引票護送私茶出境當

新朝行法之初卽有這

禁犯法之事除臣一面行令兆岷道將私茶衙庫緝尋賜  
番外伏乞

勅下該部議覆合無將馬得明等照例究處私茶入官再  
勅甘肅道將不許縱放緝尋夾帶私馬擅入內地漢中道  
將廳官不許縱容緝尋與販私茶出境違者重處庶  
法紀嚴明奸販自絕茶馬可漸次脩舉矣

順治三年御史廖學籠題酌議廉費以資巡方急用疏

疏曰竊惟無事而食臣子之所不安有常職而食

朝廷之所不靳臣巡視茶馬地方遼闊所屬道府苑監

鎮衛文移繁劇并贖

奏中引及賞商賞畚賑士恤孤紙紅薪米吏書門廚廩  
稿等費視按差更倍歲不下數千金徃例皆取給於  
茶課站價贖餒等項今川滇寇踞茶課無望而站價  
不解贖餒不取則公費全無矣試舉一端言之如臣  
抵境後按歷鞫昌招商中引用過該府縣紙紅薪米  
等項所費不貲及申詳請價給行無所抵補一屬如  
此各屬可知至書吏門廚隨巡廩食衣價分文無給  
終宴且貧事事束手何以重風紀崇體統也查各省

按差俱有額設公費如陝西按差取給於布政司宗  
祿項下臣差與按差事例相同而公費絕無似非畫  
一之規伏乞

勅部議覆酌示定額或照按差事例應動何項銀兩每年  
額設三千金以備巡方急用庶爲永便臣從衙門缺  
費起見非爲一己之私仰冀

聖明垂鑒施行



廣西道監察御史史論謹

題爲請明職掌以便遵守事竊惟法期肅諸無弊事貴  
經久可行茶馬一差舊只御史戶部新增二員良有  
深意前御史蘇京與李顯春連章互訐事之顛末在  
聖明洞鑒中矣今奉

旨撤回荷

皇上不以臣爲不才

命往更替臣謂合衷共事自無水火但恐職掌未明嫌疑  
或起謹先撮其大要一請明之戶部與都察院不全  
衙門職銜何以分列是宜請明者一也又臣一人而  
捧

勅甲三人共行一事萬一似前掣附有悞

國事罪將誰歸是宜請明者二也又御史奉差不得多帶人役人役繁多必滋弊竇是宜請明者三也又臣與增差三員若一衙門駐劄兼書吏厨役人多難容若各一衙門往來商議事多繁雜萬一事有機密書役泄漏干係匪輕是宜請明者四也又巡歷各屬三員全往地方何以供應夫馬何以應給是宜請明者五也又戶部差官無復

命之例臣衙門十月已滿即應造冊復

命是宜請明者六也又

欽定經費冊內載公費一千二百餘兩吏役工食一半心

紅紙劄一半恭地彫疲三員日費何出或增差二員  
戶部給發糧單以爲常式自無庸議是宜請明者七  
也前此未及請明遂成齟齬臣若不逐一

上陳恐蹈前轍且事關邊境萬有參差臣身不足惜係於  
國家大也臣謹列其大要仰候

聖裁至地方事宜到日另疏具

題不敢預揣竊陳臣無任惶悚待  
命之至

順治肆年捌月

日

巡視陝西茶馬監察御史臣姜國禎謹

題爲恭報微臣入境受事日期以祈

聖鑒事臣備員常吉散授堂班旋奉有巡視茶馬之命恭蒙

皇上臨軒親遣

聖顏開霽

天語叮嚀敢不殫竭頂踵以仰報

隆恩于萬一自九月初二日

陛辭兼程就道于十月初八日入關與前差余臣吳達交  
代受事并帥將

欽頒勅諭膳黃刊刻分發各道轉發欽遵矣伏念茶馬關

係軍

國重務凡所以招徠商賈禁嚴私販臣自不遺餘力第  
前此私販或無引買茶或私銀市馬邊腹兩地尚可  
防閑近者傳聞有等奸棍假充滿州及標將名色大  
隊公行竟將私茶攔出換馬地方顧畏莫敢誰何夫  
以茶中馬歲額相沿原屬制御西番不獨僿資邊計  
此中賞罰予奪頗有撻權若私販之徒但知營利違  
恤

國體萬一致起釁端將誰屬臣凜遵三只惟有白簡入  
告以飛

朝廷之命令矣敢因恭報入境而先及之為此具本謹

題請

宣順治八年十月二十七日奉

聖旨該部院議奏

吏部題覆准都察院咨稱茶馬之設原以西域番彝非  
茶不能為生故以茶易馬若私販公行則于法有礙而  
遠人有輕視之心矣此關係甚重應嚴懲以稽漢邊臣共  
遵約束如有故犯聽茶臣糾劾重治等因各覆前來相  
應照議題請伏乞

勅下兵部轉行嚴飭施行奉

聖旨是著嚴申飭行兵部知道

巡視陝西茶馬監察御史 臣 姜圖 南 謹

題爲茶法已經極弊地方積習難改仰祈

天鑒嚴飭責成以清茶路以絕盜源事 臣自入境報

聞飲水受事查舊額茶商九千餘名兵燹之餘僅存一百

零六名人少貨微茶本不裕極弊一也舊有川湖課

茶歲行辨看今茶商不通攬集漢中一府額多茶少

茶價及轉運一切脚價十倍往時極弊二也舊時五

司恒有存剩茶篋換新搭舊可供塗抹今茶商筋力

已盡茶司掃地無餘冊籍空存照憑招中極弊三也

茶篋既少關中不時兼之西番種類繁多無賞恩威

全未備舉市巷賈心恣睢偃蹇招之不至極弊四也

更有大夥私販非倚管將則託東人市茶易馬公然  
四出有司既縮無措土豪復相率勾連私販既行  
官商益滯極弊五也有此極重難返之勢臣焦心戮  
力晝夜靡寧末所以補救之七莫先嚴禁私販按關  
守道二道駐劄漢興爲茶商走集要地臨鞏洮岷  
莊浪西寧四道轄丑茶司中馬爲官茶歸宿要地此  
處首宜按本塞源而茶馬出發必經之地則守巡關  
西隴西隴右固原靖遠六道暨守巡關內潼關商洛  
四道皆有分任巡緝之責尙望爲故套呼應不靈

臣

勅書開載各邊道里遠濶皆宜詳

核使官商通行私



販屏跡則私販一節已歷

聖慮臣願

天語嚴飭責成道臣于各地方有司將願實實督察臣卑  
車直措綜核其間倘仍前扞法各一坐所出則官商積  
壅之弊可祛也若茶艱司區全在川湖之茶不通臣  
思湖襄久已底定龍保見練版畧加意清釐載在

專勅今湖襄私販充斥而官課不餉一應文移哀如充耳  
遣府州縣通在邊中西川軍興未已不同湖南臣謂  
但使茶路有一線之通卽是地方無一日之警是清  
茶路卽所以靖地方况西來私販半由通巴官課廢  
而私販行法紀安在臣于守巡于湖南荆布三遣及

川北守巡安綿三道咸已行文兩曉然八年以來未經脩復而一朝草昧非

天語申重責成臣雖石敢類枯窳無當具濟至招商撫番係臣專職當悉心措置安富陸續

聞允此皆以勉循職掌俯竭愚忱伏乞

皇上嚴勵責成三省道臣廓清茶路予絕盜源其丁地方

茶法非小補也為此具本謹題請

旨順治九年正月初五日奉

聖旨該部知道

戶部題覆看得中茶易馬必先嚴禁私販今據茶法二姜疏稱茶課司儘全由私販克斤以致官課不前議書成

三省道臣接屬履查題請前來令無如議請

勅各該督撫接嚴飭該道督率各該地方有司將願加意  
巡緝務使茶路廓清倘有仍前倚託壘將東人私販等  
弊指名密奏以憑究治至于招商撫番應行事宜仍  
勅該茶馬御史酌量舉行可也奉

聖旨是

巡視陝西茶馬監察御史臣姜圖用謹

題爲川馬招中已畢敬申屬番事宜伏祈

聖鑒以大一統柔遠人事臣入境後接堂劄奉

吉給馬千匹以資入川臣以恢復急需刻不容緩星夜催  
趙轉運招中復移會督臣暫借原給回鎮馬一百匹  
奏足部額交平西王委官擇屬另具實呈報節惟是  
馬匹招中之時卽據開報所以遷就于諸番者蓋靡  
不至因思開

國之初弘綱巨目必求所以至當不易者斯足播固天  
下而不可動河西延袤三十里東至榆林西至兩川  
悉與番隣我

朝因仍徃制以茶易馬以制其命仰

皇上威靈蕃人荷內然而卽所招中志雖偃蹇定僅爾羈縻  
相為互市蓋彼自謂原與邊人兩平交易初無統攝

云爾前恭臣廖攀龍以

詔諭未頒金牌勘合尚未更換新爲請隨經部覆奉有  
依議行之

旨欽遵在案臣謹按金牌之制自先朝正統十四年事例  
不行誠不必用至

詔諭勘合部議所引會典三款特見行律例覆查先朝洪  
武十年六月有諭西番罕東畢里詔賜西番國師詔  
一以示大位之正合與更始一以緣效順之義寵以  
號名此爲

詔諭又番人族多難制部給勘合令其管東本族番人納  
馬當差如先朝嘉靖二十八年御史劉崧奏請者此

爲勘合

皇上湖平字內立法定制必深圖久大以綏服要荒頃河  
州弘化顯慶二寺喇嘛大國師禪師赴京進

貢該換

勅印隨經

題請換給是

皇上于遠人備極柔能宜給予喇嘛而新于諸番乎伏乞  
皇上勅下該部備查西北屬番典例尋舊有官職番族酌  
給

詔諭勘合節行督撫衙門就彼各處以昭更始仍照住例  
不必令其赴京在

朝廷不過費方尺文告之符而數千里番彝共欽

王會見今用兵西川黎門碉雅與番連接番族順軌  
先聲有不痛而服况故川要略世職土官并可一例  
招而爲用臣身在地方一面備行各道詳查納馬番  
族新舊頭目俟新引中後親巡犒賞獨是

國家大一統之義全在

廟堂程名較實敢不悉心籌度以祈經久伏乞

聖鑒揀擇施行爲此具本謹題請

旨順治九年二月初七日奉

聖旨着祭例議奏該部知道

禮部題復着得番人雖有頒給

勅諭勘合舊例但河西邊外番族甚多從明季至今誰存誰亡誰順誰逆臣部無由而知應請

勅下該督撫按詳查番人歸順者若干族明朝係何官職給何勅諭勘合何年免其赴京就彼襲職逐一明白具奏臣部再照督撫按所奏詳察酌議具奏者也奉

聖旨依議行



巡視陝西茶馬監察御史臣姜國爾謹

題爲蜀省文移初至謹酌茶法脩舉之宜恭請

聖裁事臣自驅車歷漢途次接四川龍安府知府劉夢熊  
文冊到臣及抵漢中復接署茶法道事叙馬道趙顯  
宗分進川北道劉通保寧府知府柯臣各文冊到臣  
內據分進川北道驗文蒙臣憲牌行保寧府備查茶  
課據該府回稱查得賦役全書開載巴州原額茶課  
銀四百四十二兩八錢三分九釐通江縣原額茶課  
銀一千一百六十七兩五錢四分七釐二毫二絲南  
江縣原額茶課銀七十兩七錢五分四釐八毫四絲  
廣元縣原額茶課銀一十九兩八錢七分自經變亂

未奉開徵臣查會典四川茶課除存本省衙門支用  
及賞番外其折色內實解陝西迤茶衙門易馬銀一  
千五百九十六兩五錢三分係保寧府屬巴州通江  
廣元南江四州縣解納雖較徵有贏縮然未經議  
課業八年於茲矣

皇上恩詔弘敷率土普被蜀中川北一帶人民甫離湯火  
一切徵輸伏經題免則前此茶課久在蠲免之列無  
容復贅辰下軍興倥偬飛輓畧陽比見蜀撫臣李國  
英有按例懇請急需兵餉一疏部覆亟催晉餉接濟  
是方議恤解於他省權宜緩急臣自不必於本省復  
議顧當今此文告初通之日不為申明本末恐將來

不知茶法爲何事况保寧久隸版圖巴通私販屢屢見告官課廢而私茶行尤非法也合請

皇上勅下該撫按臣備查保寧合于州縣園戶茶園實在若干自順治九年始酌定釐額分數會同臣衙門題定餘俟大定後限年漸次脩復舊制此百世之利也至私販一節臣前具茶法已經極弊一疏業經部覆貴成三省道臣按屬嚴查奉有

俞旨臣覆查會典嘉靖十四年題准四川夔州東鄉保寧利江一帶近陝西邇茶地方不論軍衛有司凡事于茶法者悉聽陝西邇茶御史管理各該分道兵備等官務嚴禁私茶按季將捉提人犯數目開報查考俱

聽本官舉劾久廢之後并應

題明重為申飭者也為此具本謹題請

旨順治九年四月二十九日奉

聖旨戶部議奏

戶部題覆看得四川保寧府屬州縣既入版圖自當查照舊例舉行臣部查會典保屬茶課原額共一千七百零一兩有奇既經茶馬御史以歸服地方酌量起課為請似應允從仍應

勅下該撫按備查保寧府屬州縣茶園茶戶實在各若干照舊例起課者也奉

聖旨是

遺視陝西茶馬監察御史臣姜圖爾謹

題為微臣遺歷漢甬茶商萬分艱苦謹述先今附茶通

例仰祈

聖鑒事臣先題報茶商僅存一百六名比經面行散引老  
羸疲瘵強半又欲告銷臣再四勸勉懇諭九力可補  
救俱不憚拮据圖之二月後茶芽盛長臣恐或有延  
緩致誤招中郎車車親歷漢甬催趨絕巘懸崖更無  
公館可以棲止因念商人自漢興至晉昌登山涉水  
艱險益甚脚資轉運十倍往時放會與茶課一欵招  
商中茶上引五千斤中引四千斤下引三千斤每七  
斤蒸曬一筥運至茶司官商對分官茶易馬商茶給

賣券上引仍給附茶一百篋中引八十篋下引六十  
篋名曰酬勞自先朝都御史楊一清督理茶法後每  
大引一道共官商茶九百三十篋連篋俱以十一斤  
爲準外有商人附茶六十篋以爲腳資其引目俱臣  
衙門刊發通行

本朝定鼎之初亦仍舊例順治五年戶部改鑄銅板部引  
原題首列會典迨七年給發部引彙引照茶百斤內  
未註何附茶字樣想當日以引目通行各省官商對  
分之例惟在陝西不便異同載入故于疏末有曰中  
間或有昔所已行今宜變通昔所未行今宜增入者  
行茶馬御史與督撫按查議妥確奏請定奪是部議

原有需於覆奏也且明初舊例茶商徵引三年到司  
猶行給賞迨十年始批違限十年以上照例問擬降  
慶五年議准近年姦商假以附茶爲由任意夾帶恣  
情短販今後招商三年免究四年問罪仍抽附茶一  
半入官五年問罪附茶蓋數入官不准再報六年以  
上卽係老引照例問遣兇例十年後猶五年爲期甚  
寬商人既有茶商優恤復可展轉經營故其力有餘  
自經兵燹人引多亡茶資變滅年來權宜補救比併  
銷引爲限既近商若更深順治七年茶臣頒給部引  
于附茶一項因係本商脚資舊例照舊通行然在商  
人以附茶未經載入部引難免敲練不終日之懼卽

在臣衙門未經

題明亦非典章畫一之規况商人萬里趨止圖微利故當時羨其名曰酬勞與之以利而復厚之以名良有深意以今接昔於附茶一項應照洪武間例准給或仍照近例明註若干准給務酌定經制俾知法守從此轉運熙權招徠漸廣是禱商節所以禱

國也伏乞

勅部覆覆施行奉法幸甚為此具本謹題請

旨順治九年四月二十九日奉

聖旨戶部速議具奏

戶部題覆看得招商中茶悉照明季舊例舉行臣部于



順治五年題准鑄造銅板印刷部引通行已久查附茶  
一項悉奸商滋弊未經載入今據茶臣姜以地方初  
定商者更倍援例題請似應允從伏乞

勅下茶馬御史查照舊例行茶地方道里遠近分別舉行  
者也奉

聖旨是

巡視陝西茶馬監察御史臣姜圖南謹

題為地庫馬價錢糧通查全無畫一謹據到冊直陳仰

祈

勅部嚴行稽覈以襄

國家實用事竊照錢糧項款俱關維正陝西西安左等  
一十九衛鳳翔等守禦千戶十所亦屯地一項除納  
籽粒外徵銀一錢名爲地畝馬價隨屯糧帶徵備官  
單買馬之用內漢中衛屯糧一石徵馬價銀一分六  
釐四毫九絲寧夏衛屯糧一石徵馬價銀一分八釐  
八毫污縣所屯糧一石徵馬價銀一分七釐二毫七  
絲二忽若肅州衛各城堡倉倉及莊浪衛屯糧一石  
帶徵本色馬糧五升此皆依明舊例行之二百餘年  
蓋邊鎮營伍買馬奏給及中給茶馬喂養料草皆臣  
衙門批定勘實動支故臣衙門每差迤歷清查差回

報部臣于本年二月內因事關錢糧節經詳查去後  
據關南等道陸續轉報文冊有開未經分徵者有開  
搶劫無存者有開拋荒者有開總鎮票催并荒截奏  
者有開拖欠拔

款者有開脩理城垣喂養驛馬顧作俸薪月糧馬乾運略  
脚價者甚至有開支給科舉盤纏與夫總鎮上任製  
辦執事脩造衙門者尚有徑不回報者道冊與廳冊  
互異者臣欲再行候齊覈定而日復一日相率搪延  
始終成一不能清楚之局緣我

朝定鼎祖宗悉除屯地照民地起科經徵各官于地畝  
馬糧因循觀望其寔屯地仍屬各丁承種前部議其

明乃此覈則以彼支爲護身彼徵又借此那爲藉口  
舊新互扯影相仍比見戶部題覆延撫衛所官役  
俸薪工食支給本衛均堆銀兩謂豈有以協濟軍餉  
之銀動支以抵經費之理令其開墾屯地使經費有  
藉奉

旨見行仰見司農蒿目持籌衛所各官卽不能開墾荒屯  
豈有額在實徵徑無着落及任意支顧之事臣不知  
歷年藩司于此項作如何抵銷也臣謂錢糧自有一  
定額設萬無虛懸臣衙門地畝馬價錢糧與太僕寺  
歲茶事同一體若如此肩越混淆將來何所究竟臣  
據關南隴西臨鞏西臨鞏峽延榆莊澤肅州見冊道到地

麻馬價項下除漢私汚三衛所各有園地外每歲共計銀糧四千五十餘石兩雷州見貯馬糧五百五十五石七斗零雖爲數未全然銖兩無容侵冒若令之全陝衛所地畝馬價爲數更多查順治五年以前秦中軍興撥擐文卷多遺今若徹底窮追葛藤無已業經

皇仁肆赦外合無自順治六年起請

勅部行督撫及臣衙門將各該衛所地畝馬價逐年清出已徵若干未完若干除荒及園占若干開銷若干有無侵漁捏報隱匿等弊案未覈經徵職名備造清冊達部此後于地畝一項明白分別某道屬某項地畝若

于擬定喂養茶馬歲額賞番及添給馬價外某項改  
充兵餉臣衙門復

命部內卽行分別開造其有侵欺照例坐以監守自盜并  
贓論罪如此則出納旣允責成自易而錢糧涓滴庶  
歸實用矣爲此具本謹題請

旨順治九年九月初二日奉

聖旨着嚴飭察覈該部知道

巡視陝西恭馬監察御史臣姜圖南謹

題爲馬政關係邊防經理俱宜詳慎謹推考本末恭請  
勅定以重邦計事臣自去年十月入境於二十九日准原  
任提督臣李思忠手本爲稽查馬政錢糧事內開准  
兵部劄據呈前事蒙批該營缺馬其本處存茶馬一  
差專司馬政宜應就彼取單等因具呈督臣查本標  
三營缺額馬一百一十三匹見積椿臙銀二千一百  
八十七兩一錢五分相應支取買馬等因到臣隨已  
給單備買五月二十二日據延綏鎮臣哈喇庫手本  
爲請示動支朋銀購買戰馬等因開本鎮孤山定邊  
兩協及延安管經制各該額馬三百匹今止自備馬

數十匹耳隨呈督臣勒支朋銀五千兩購買復查藩  
司開數止三千兩備問差官遊擊趙業隆據稱藩司  
所羨銀兩不敷因移會延綏撫臣轉行樹司勒支銀  
庫朋銀二千兩湊買兩標協路戰馬三百三十三匹  
隨亦給單備買先是分守駐防等官呈請買補營馬  
或二三十匹或四五十匹不等然該營果否缺額果  
否買補臣實猶有未詳欲禁則以騎操所需款給別  
虞借名涵討又每年關顧茶馬有各營竟向茶司討  
取茶司竟自給張始行具報者臣差司馬政不敢苟  
且塞責總覲虞之比見

新例通行賠補之法分別年限別扣至為周密陝西三邊



重地馬政所關年年開中給頌日漸月增尤必參考  
詳明以爲可大可久之計臣因按臣衙門職掌事宜  
爲明朝所已行而敷弊者分爲四款上

請如果臣言不繆伏乞

勅部查議覆定施行

一故明陝西設行太僕寺於平涼甘州兩處分地進歷  
專查營馬瘦損倒失之弊擬議降罰追賠冊報臣衙  
門彙冊報部萬曆三十年巡茶御史黃陞題裁甘州  
行太僕寺衙門而以莊浪馬政歸之西寧甘涼肅馬  
政歸之三邊萬曆三十三年巡茶御史史學遷題裁  
平涼及東西兩路行太僕寺衙門而以固原一鎮馬

政歸之固原靖魯臨鞏洮岷隴右關內關南關西河  
西潼關各道延綏一鎮馬政歸之榆林神木靖邊各  
道寧夏一鎮馬政照先例稅臣周弘鑰題准歸之寧  
夏河東河西二道各魚理順戶部遵

旨會議事內一款各處駐防馬匹倒斃恐各營開報不實  
嚴行督撫鎮道餉司按月稽查臣按分道點驗舊例  
頗詳借名責實應并臨鞏漢興二鎮營馬俱令各道  
就近實行點驗有無虧損倒失等弊年終造冊報督  
撫及臣衙門清冊達部緣聯繩買以覈軍實

一五茶司歲易番馬除奉

旨給炭外皆俟邊鎮營路騎征戍多寡有無給領不查

舊例開中之時各邊鎮造冊分別經制原額見在并  
缺額需額數目每年開限三月以裏齊赴臣衙門驗  
撥願馬官軍限八月以裏到彼交兌載在會典今應  
照見在歲中馬額行令各邊鎮遵照舊例先期造冊  
開報督撫及臣衙門酌量邊腹衝緩派定額數按期  
給發毋致偏枯以一軍制

一舊例各鎮每年遵照會典齊備赴臣衙門通融派撥  
外仍於領馬之時先期約日將缺馬軍丁造冊委官  
照例給口糧料草徑至派定各茶司將茶馬親自認  
領毛藍卽開註各應領軍丁名下如馬小不堪卽於  
中馬該道廳將處更換領後不許藉口瘦損以滋紛

擾今宜仍照舊例開坐軍丁缺馬姓名關願撥發各  
有責成不致虛冒參差以實軍伍

一舊例椿朋肉臘地畝馬價銀兩除世寧二鎮照常本  
慶遠倉收放其西安等處解發附近府州縣倉庫密  
收俱取實收并按季循環文簿分別已未完數目報  
臣衙門俟出進日盤查如遇官軍倒死馬匹必須呈  
報臣衙門批行該處守巡道勘報是實方准支願買  
補今地畝馬價一項臣徹天通查除另疏具

題外其椿朋肉臘銀兩各邊鎮或解藩司或貯餉司亦  
無容再為更張今應將以後倒死追賠已未完數目  
仍按季報督撫及臣衙門遇申請買補營馬查照有

無元欠應否動支取給年終造冊達部查驗使錢糧  
錢兩不亂以重軍資爲此具本謹題請

旨順治九年九月初二日奉

聖旨着飭行該部知道

巡視陝西茶馬監察御史臣姜圖南謹

題爲酌議開墾牧地之法以裨牧政事臣查七監草場  
荒熟地原額共一十七萬七千一百六十一頃六十  
二畝四分九釐三毫順治三年先差御史廖攀龍有  
恭報苑監一疏備列原額內開見種熟地開城監二

百六十三頃六十二畝廣寧監一千二百二十三頃  
八十二畝零黑水監一百一十七頃安定監二千四  
百一十六頃一十四畝九分清平監一百七十一頃  
三十四畝五分萬安監四十三頃八十畝武安監三  
百五十六頃一十五畝五分七監熟地數目止此耳  
按七監牧地熟地贍軍荒地牧馬凡群內騾馬每馬  
給地三頃一十六畝山坡川地各半內隨馬納糧地  
一頃徵銀六錢群內兒馬群外兒騾馬每匹給地一  
頃五十八畝其不願馬熟地每頃亦徵銀六錢備買  
種馬顧地與馬相依欲廣孳牧必盡地力臣於今春  
二月間廣示招墾并嚴勸查勘顧法當積弛若僮言清

地而不知地之所以清徒滋煩擾乃爲條分區畫挈  
願提綱就近督委履驗清丈據固原州知州郭之培  
冊報廣寧監數年開墾及新丈墾地見種熟地通共  
一千二百九十五頃一十一畝內除八年半徵地三  
頃三十九畝每頃徵銀三錢又除九年新墾地三十  
一頃六分俟十年半徵開城監數年開墾及新丈出  
墾地見種熟地通共四百八十六頃八十五畝八分  
內除八年半徵地一十八頃五十二畝每頃徵銀三  
錢又除九年新墾地一百四頃九十一畝二分俟十  
年半徵甲水監數年開墾及新丈出墾地見種熟地  
通共二百六十七頃八十五畝內除八年半徵地二

十四頃一十八畝每頃徵銀三錢又除九年新墾地四十頃五十畝俟十年半徵又據平涼府馬政同知徐國章冊報武安監數年開墾及新走出墾地見種熟地通共四百三十九頃二十八畝五分九釐內除八年半徵地一十頃一十三畝四分每頃徵銀三錢又除九年新墾地一頃四十四畝五分五釐俟十年半徵清平監數年開墾及新走出墾地見種熟地通共三百九十頃二十五畝八分四釐一絲內除八年半徵地一十頃四十三畝六分八釐每頃徵銀三錢又除九年新墾地四十九頃四十三畝六分九釐三毫二絲俟十年半徵萬安監數年開墾及新走出墾



地見種熟地通共一百二十頃八十畝內除八年半  
徵地一十二頃三十二畝每頃徵銀三錢又除九年  
新墾地二十二頃二十五畝俟十年半徵安定監數  
年開墾及新支出墾地見種熟地通共二千六百八  
十八頃九十八畝四分內除八年半徵地五十四頃  
一十畝八分每頃徵銀三錢又除九年新墾地一百  
三十五頃六畝一分俟十年半徵以上自三年報後  
計交出新墾地共一千一十八頃六畝五分九釐四  
毫二絲而見在牧馬除舊管及臣所盤獲私馬祭監  
并苑寺詳請買補種馬羣牧清數另冊具報外就今  
所交出熟地以牧馬配給羣內計之可養馬三百餘

匹羣外計之可養馬六百餘匹以每頃徵銀六錢計  
之歲增額徵銀六百一十兩八錢三分零然臣過安  
定會寧靜寧平涼一帶墟里無人蒿萊滿眼牧軍耕  
牧隱見於窮巖窟穴間蓋七監地脉山高土寒水沙  
瘠鹵不堪作縣故區爲牧馬地塲按故明萬曆五年  
舊額熟地亦共五萬五千三百二十餘頃今計熟地  
不及什一頃戶部遵

旨會議事內一款各省宜荒地勸諭開墾卽以開墾之多  
寡定有司之勤惰分別勸懲苑監地畝事同一體以  
後果有實心招撫開墾數多者三年之內確有成效  
苑監官員一體紀叙優陞其有開茸無能立行掣治

至於墾地耕牛播種籽粒恐流移窮牧不能力辦或  
量勦本監地畝銀兩借措以爲補助按年還官并責  
令寺卿馬政同知實心舉行若有侵擾治以重罪如  
此則既有勸懲以督所司而又通其有無以恤窮牧  
牧地旣墾節牧馬不期蕃而自蕃矣伏乞

聖鑒勅部議覆施行爲此具本謹題請

旨

巡視陝西茶馬監察御史臣姜圖南謹

題爲酌議變通牧軍之法以實監圍事竊照七監牧軍  
舊額一萬六千一百三十六丁給顧馬匹騾駒

本朝定鼎一應祖軍奉

旨裁革

皇仁浩蕩率土瞻依然牧軍在者仍然供役同於漕軍正以牧有牧地猶漕有屯地馬匹非土人不畜猶漕運非長年不知也顧逃亡死徙自順治三年冊報見存止二千六百七十丁矣臣爲此焦心曾遍示七監招撫逃亡凡科派牧軍及雜差擾牧諸陋弊臣所可禁者俱嚴行痛革外內有告戶丁津貼及乞清本軍兩種情詞旣不敢刻礮偏聽而又不得不委曲准理因查祖軍一項內外諸臣條奏覆議非一如祖軍編改屯丁屯地仍歸各丁承種照舊徵輸則是糧仍舊也

如因田起墾地方成例已久未便紛更則是遷仍舊也又如酌議倉選之法清查倉餘退給缺軍贍還原地及班軍營軍以致各衙門吏書官承黃快屯丁俱令僉選則是軍仍舊也臣於五月間道出漢南因牧軍紛紛陳告行署關南道右叅議董應做將漢南漢寧沔三衛所屯軍詳酌漢沔二處屯丁多有戶絕且屯地有爲平西王固山額貝圖去者止就見在屯丁照原議幫貼牧丁內權酌三分幫一茲臣道出平涼牧軍成羣控籲哭聲震天大抵仍是津貼清可二種耳臣以尅日復

命駁不准行然馬匹待人而食若不從長區處酌議變通

則卽目下臣所招回逃牧見在三千八百五十七丁亦不能久爲羈縻蓋凡人樂爲民不樂爲軍且樂爲營伍之軍不樂爲監牧之軍以營伍尚有立功成名之望監牧若累終身更貽子孫以永遠也臣爲牧軍非軍仍責以軍未免周折查馬政條例故明弘治十七年楊一清題增牧軍照永樂年間發克思軍事例北直隸山東河南山西陝西法司問擬人犯有例該邊衛永遠克軍者俱發陝西解州發牧今似宜照此例於前項問擬軍犯摘發各監願地牧馬按馬計地約已足額卽行具奏停止則一轉移間而軍旣有地馬復有人人馬相得寧敢復克思監圍經久之計也

至於日下牧軍其代牧應清者或照臣三分幫一之議或照部履

新例查還本衛原給地糧責令安心耕牧其或有遠方流民依棲既久願住畜牧者仍照舊例定編爲養馬軍人坐給草場地土斯則目前既可安土向後額有軍人雖變通而仍寓不變之法若七監醫獸一項役雖最微而關係牧馬最切其工食亦有限經費裁草相應酌復統祈

聖鑒勅部議從施行爲此具本謹題請

旨

巡視陝西茶馬監察御史臣姜圖南謹

題爲酌釐湖茶并行邊茶以裕茶法事照得茶法中馬  
故明舊有川茶漢茶湖茶川茶自隆慶三年題改折  
價臣前有蜀省文移一疏業經覆議行彼中撫按酌  
議開徵漢茶自萬曆十四年題改折價所有茶園茶  
課見在催徵冊報展下見行每歲招商散引前往漢  
南及湖漢收茶轉運官商對分以供招中耳顧漢南  
州縣產茶有限且層巖積嶺山程不便商人大抵浮  
漢江於襄陽接買臣衙門棟引給票照驗比以湖襄  
水販店戶將茶斤貪圖價值專賣別省無引私販官  
商齎引無從收買臣隨行文中飭據下荆南道副使



蘇宗貴具報遵依并請給照盤驗百查故明舊例湖  
茶通行各商招畢隨將引單彙簿行湖廣總督府轉  
發新化縣候各商執對收買該府先具依准繳查新  
化縣照引註定斤數多餘畫數抽稅該府仍委府佐  
一員監放接管嚴加盤驗如何以假茶戶不行一體  
究處崇禎十五年題開長沙府安化縣茶地方有司  
不許擅抽私稅阻撓病商各在案今湖南茶法未能  
通行陝商統聚襄陽收買在商人不無遷延短販諸  
弊卽臣今歲躬至興安叮囑催督幸得及時轉運然  
衙門相隔動越數千里湖襄督催盤驗自不容已除  
漢中董昌兩刑官於湖茶照常盤驗外其襄陽收茶

處所應知道臣所請歲給官商引單號簿一冊於該  
府執對盤驗稽覈責有依歸此所謂湖茶宜趨也至  
內地茶法故明嘉靖十五年御史劉良知議酌西鳳  
等八府地方廣換分派各府對半抽分照依時估定  
以價值商茶給商自賣外官茶價銀呈臣衙門計筭  
或備軍儲迄萬曆十三年計小引茶西安行六萬斤  
漢中鳳翔行二萬斤今西漢二府尚行小商其對分  
官茶各交司中馬若止寧等處道里遠茶法久已  
絕罕矣臣於本年嚴崇私販率獲寧夏私開茶店犯  
人劉成甫等一百府示招商隨據延綏鎮標遊擊趙  
業隆具呈議行茶法臣隨批發榆林神木酌會報項

據榆林兵備道副使陳培禎呈據延安府城堡同知  
楊呈彩詳議行茶緣由擬照舊小引例引茶百斤量  
入官茶三十斤額定每斤折價一錢三分報交延鎮  
官庫所過關津一體盡驗計榆延二處可行茶二十  
萬斤等因臣以正在報

命督行中止然原詳具在其中斟酌損益果遂通行則由  
榆延以至寧夏俱可漸舉既以便民又復裕

國此所謂邊茶宜行也蓋隨湖茶則商運逐通邊茶則  
茶路廣斯實於目前茶法有裨伏乞

聖鑒勅部議覆施行爲此具本謹題請

旨

巡視陝西茶馬監察御史臣姜圖南謹

題爲招中已行請酌馬數以程歲額事臣惟慮經後世者必精目下之政招商運茶調番中馬誠所謂運不涸之倉以壯無形之險也顧茶商持此小輕微之本非若巨商資財之世其業蕃族本水草薦居之性非若文罔賦役之極其規必使商有餘財而後營有餘騎亦必司有餘積而後番有餘慕事雖一端斯實治平不易之規也查金牌調番酬茶納馬始於破明洪武每三年一遣迂臣納差發馬一萬四千五十一匹宣德正統間金牌制廢每年易馬不過數百匹至千匹而止弘治中都御史楊一清開運商茶通計二歲

中馬幾還舊額故馬政規模斷自弘治十八年為定嗣後歲月開增至崇禎末年五司中馬計額一萬一千八十八匹然年年拖欠如御史徐一掄十五年仲冬之差方中十二年例馬竭澤焚林徒滋口實

本朝開創順治三年御史康肇龍有茶馬雖仍舊制一疏奉有新增馬匹察明蠲免之

旨而後接差報中多寡不等茲茶商一百六名臣已經疏明撫賞五司土官喇嘛番族宣布

朝廷恩威臣亦躬行脩舉計臣入境給川馬及陸續給發過馬匹歲見已三千餘匹俱另有清冊彙報外然於歲額不可不酌也此制立法必本於中事有盡

一始知遵守茶馬之役歲額無多然網維三省周連  
六鎮凡河西番帳之外卽爲蒙古此中控制實有機  
衡假使馬歲增而茶不缺臣猶謂邊防利害宜日講  
求今商人僅十之一官商對分歲行銷引川湖聞戒  
運路倍艱秦中雖號小庾然只此殘商宜以深仁回  
結若不少留餘地誰復出力輸將况番族消長亦不  
等若歲添馬額勉強取盈勢必以尪羸克數更或朋  
比蒙古牽馬招搥甚而盜竊其馬報中是以有用之  
茶博無用之馬且伏開無端之隱釁也臣欲使不病  
商不擾番俾司有餘茶管有餘騎經久不易於今差  
期確酌之復通計

本朝差內中馬數目折裏歲額明定每歲應中茶馬若干  
令商人知所運番族知所納卽上下官司亦知所守  
休養漸深其於

國家猶外府也第因時制宜章程法度非

廟謨不定伏乞

聖鑒勅部議復施行爲此具本謹題請

旨

巡視陝西茶馬試監察御史臣王

謹

題爲申嚴茶禁以固邊防事臣遵行臨警披覽地圖沿邊一帶俱屬番右稍北則爲蒙古部落俱以得茶爲性命貨馬爲生涯我

國家脩行舊典而邊事員許其招中使番人知

聖天子明見萬里特賜生全所差御史一歲一更不使久與交接沿邊文武嚴禁私通於緩邊至遠之中寓杜漸防微之慮爲法至深遠也夫番人非茶無以爲生非馬無以得茶非

欽差御史無以售馬雖有號禁不得不伏就戎索故數年來招之使來麾之使去趨承惟謹以事權一而法令



行耳明李茶法大壞邊將土豪內販私茶外換私馬  
防維決裂官引不行番人得茶之路既廣中國調遣  
之令頓輕積習奸牙勾引教唆浸致多事前事之失  
後事之鑿也臣自受事以來各營缺馬竭刀帛中分  
別給發此外凡遇鎮將發銀而馬稱係軍需者臣查  
核的確或移文該道或給票赴司准其購買若有載  
茶易馬求票求文一槩拒絕以

國家控馭各番止有此者儻凡人可以貨茶凡茶可以  
得馬無論

朝廷之機權不尊而交通起釁結納生隙爲患將有不  
可勝言者矣除臣鐵面冰心一切不行外伏祈

天語再加勸明使大小臣工恪為遵守但有違抗臣違奉  
勢要敢犯私茶私馬禁例者聽爾指實舉劾之

勅旨簡從事庶曾伍安邊兩有賴也為此具本謹題請

旨奉

聖旨私茶私馬禁例甚嚴着申飭行該部知道

巡視陝西茶馬試監察御史臣王

謹

題為酌定附茶仰祈

聖斷事陝西茶法商出費官給引買茶運司官商各分其  
半引外許有攜帶名曰附茶酌具釐運之費率行已  
久我

朝亦然因部引未經開載則茶臣姜

援舊例近例

兩請戶部具奏

勅臣查照舊例行茶地方道路遠近分別舉行奉有

俞旨臣查會典茶課一條每上引五千斤中引四千斤下

引三千斤每七斤蒸躉一篋上引附茶一百篋中引

八十篋下引六十篋計每茶一千斤准附茶一百四

十斤即茶臣所云舊例若此也又查楊一清條定大

引一道官商茶九百三十篋連篋俱以十一斤爲準

外帶附茶六十篋計每茶一千斤准附茶六十七斤

零前茶臣所云近例者此也舊例始自洪武時當開

創設梗商稀改多給脚價以示鼓舞近例始於弘治

時值承平商多路坦故少給腳價以示節裁我

國家締造之初殘商無幾若不寬其初力誰肯履危蹈  
險捐率急公部覆令臣查照舊例早已舉平此也但  
分別遠近則有可商論買茶之地震館勿遠而西鄉紫  
陽近商皆樂趨襄陽以茶多價賤且有舟楫可通漢  
中也論納茶之地西寧遠而甘莊河能近商皆樂趨  
西寧以地廣人稠商茶易於貨賣也若以遠近定多  
寡事理恐有未協合無照會典舊例每茶千斤既准  
附茶一百四十斤疎熙洽之後仍照近例驟行裁減  
庶爲裕

國通商久長之至計事關經制未敢輕疎諒酌定

上請伏祈

聖斷施行爲此其本體題請

旨奉

聖旨戶部知道

戶部

題爲酌定附茶仰析

聖斷事陝西司茶呈奉本部送戶科抄出巡視陝西茶馬  
試監察御史王道新題前事等因順治十年五月二十  
日題六月十五日奉

聖旨戶部議奏欽此欽遵抄出到部送司奉此相應議覆  
茶呈到部該臣等看得附茶一項前茶臣姜圖南按例  
題

請定制該臣部覆令查照舊例行茶地方道里遠近分別  
舉行奉有

俞旨欽遵在案今御史王道新疏稱以遠近定附茶多寡

恐各商趨利販賣一任所向地方難以通行議照舊例  
每茶千斤稟准附茶一百四十斤俟商茶充裕再行裁  
減等因復

請前來相應

狗下該管茶馬官照例舉行倘有奸商借名影射夾帶等  
弊仍嚴查治罪可也順治十年閏六月初九日奉

聖旨依議行